

頻伽大藏經

九洲圖書出版社

頻伽大藏經

九州圖書出版社

通

頻伽大藏經第六十七冊目錄

支那撰述

經疏部

○大方廣佛華嚴經疏

六十卷

唐澄觀撰

六七・一

序(六七・四)

卷第一至八

世主妙嚴品第一(六七・六四)

卷第九

如來現相品第二(六七・九八)

卷第十

普賢三昧品第三(六七・一一〇)

卷第十一

世界成就品第四(六七・一一六)

華藏世界品第五(六七・一二四)

卷第十二

毗盧遮那品第六(六七・一三四)

如來名號品第七(六七・一三九)

卷第十三

四聖諦品第八(六七・一四七) 光明覺品第九(六七・一四九)

卷第十四

菩薩問明品第十(六七・一五九)

卷第十五

淨行品第十一(六七・一七八)

卷第十六

賢首品第十二(六七・一八九)

卷第十七至十八

升須彌山頂品第十三(六七・二〇〇) 須彌頂上偈贊品第十四(六七・二〇四) 十住

品第十五(六七・二一〇)

卷第十九

梵行品第十六(六七・二二二) 初發心功德品第十七(六七・二二七)

卷第二十

明法品第十八(六七・二三六)

卷第二十一

升夜摩天宮品第十九(六七・二四四) 夜摩天宮中偈贊品第二十(六七・二四五)

卷第二十二至二十三

十行品第二十一(六七・二五三)

卷第二十四

十無盡藏品第二十二(六七・二七五)

卷第二十五

升兜率天宮品第二十三(六七・二九〇)
兜率宮中偈贊品第二十四(六七・三〇二)

卷第二十六至三十

十回向品第二十五(六七・三〇八)

卷第三十一至四十四

十地品第二十六(六七・三七一)

卷第四十五

十定品第二十七(六七・五三七)

卷第四十六

十通品第二十八(六七・五五三)
十忍品第二十九(六七・五五六)

卷第四十七

阿僧祇品第三十(六七・五六五)
壽量品第三十一(六七・五六七)
諸菩薩住處品第三十二(六七・五六七)
佛不思議法品第三十三(六七・五七〇)

卷第四十八

如來十身相海品第三十四(六七・五七七)

如來隨好光明功德品第三十五(六七・五

七九) 普賢行品第三十六(六七・五八四)

卷第四十九至五十

如來出現品第三十七(六七・五八七)

卷第五十一至五十三

離世間品第三十八(六七・六一二)

卷第五十四至六十

入法界品第三十九(六七・六四四)

○大方廣佛華嚴經隨疏演義鈔

九十卷

唐澄觀述

……六七・七三一

卷第一(六七・七三一)

卷第二(六七・七四五)

卷第三(六七・七五六)

卷第四

(六七・七六八)

卷第五(六七・七八一)

大方廣佛華嚴經疏目錄

序

唐清涼山大華嚴寺沙門澄觀撰

卷第一之八

世主妙嚴品第一

卷第九

如來現相品第二

卷第十

普賢三昧品第三

卷第十一

世界成就品第四

華藏世界品第五

卷第十二

毗盧遮那品第六

如來名號品第七

卷第十三

四聖諦品第八

光明覺品第九

卷第十四

菩薩問明品第十

卷第十五

七

藏

經

大方廣佛華嚴經疏目錄

卷一

淨行品第十一

卷第十六

賢首品第十二

卷第十七之八

升須彌山頂品第十三

須彌頂上偈讚品第十四

十住品第十五

卷第十九

梵行品第十六

初發心功德第十七

卷第二十

明法品第十八

卷第二十一

升夜摩天宮品第十九

夜摩天宮中偈讚品第二十

卷第二十二之三

十行品第二十一

卷第二十四

十無盡藏品第二十二

卷第二十五

升兜率天宮品第二十三

兜率宮中偈讚品第二十四

卷第二十六之三

十迴向第二十五

卷第三十一之四十四

十地品第二十六

卷第四十五

十定品第二十七

卷第四十六

十通品第二十八

十忍品第二十九

卷第四十七

阿僧祇品第三十

壽量品第三十一

諸菩薩住處品第三十二

佛不思議法品第三十三

卷第四十八

如來十身相海品第三十四

如來隨好光明功德品第三十五

普賢行品第三十六

七

長

經

大方廣佛華嚴經疏目錄

卷第四十九之五十

如來出現品第三十七

卷第五十一之三

離世間品第三十八

卷第五十四之六十

入法界品第三十九

大方廣佛華嚴經疏目錄

終

大方廣佛華嚴經疏卷第一并序

唐清涼山大華嚴寺沙門澄觀撰

往復無際。動靜一源。含衆妙而有餘。超言思而過出者。其唯法界歟。剖裂玄微。昭廓心境。窮理盡性。徹果該因。汪洋冲融。廣大悉備者。其唯大方廣佛華嚴經焉。故我世尊。十身初滿。正覺始成。乘願行以彌綸。混虛空爲體性。富有萬德。蕩無纖塵。湛智海之澄波。虛含萬象。徼性空之滿月。頓落百川。不起樹王。羅七處於法界。無違後際。暢九會於初成。盡宏廓之幽宗。被難思之海會。圓音落該十刹。而頓周主伴。重重極十方。而齊唱。雖空空絕跡。而義天之星象。燦然湛湛。亡言而教海之波爛。浩漭若乃千門潛注。與衆典爲洪源。萬德交歸。攝群經爲眷屬。其爲旨也。冥真體於萬化之域。顯德相於重玄之門。用繁興以恒如。智周鑑而常靜。真妄交徹。即凡心而見佛。心事理雙修。依本智而求佛。智理隨事變。則一多緣起之無邊。事得理融。則千差涉入而無礙。故得十身歷然而相作。六位不亂而更收。廣大即入於無間。塵毛包納而無外。炳然齊現。猶彼芥瓶。具足同時。方之海滴。一多無礙。等虛室之千燈。隱顯俱成。似秋空之片月。重重交映。

若帝網之垂珠。念念圓融。類夕夢之經世。法門重疊。若雲起長空。萬行芬披。比華開錦上。若夫高不可仰。則積行菩薩。曝腮鱗於龍門。深不可闕。則上德聲聞。杜視聽於嘉會。見聞爲種。八難超十地之階。解行在躬。一生圓曠。劫之果師子奮迅。衆海頓證於林中。象王迴旋。六千道成於言下。啓明東廟。智滿不異於初心。寄位南求。因圓不逾於毛孔。剖微塵之經卷。則念念果成。盡衆生之願門。則塵塵行滿。眞可謂常恒之妙說。通方之洪規。稱性之極談。一乘之要軌也。尋斯玄旨。却覽餘經。其猶杲日麗天。奪衆景之耀。須彌橫海。落群峯之高。是以菩薩搜秘於龍宮。大賢闡揚於東夏。願惟正法之代。尙匿清輝。幸哉像季之時。偶斯玄化。況逢

聖主。得在靈山。竭思幽宗。豈無慶躍。題稱大方廣佛華嚴經者。卽無盡修多羅之總名。世主妙嚴品第一者。卽衆篇義類之別目。大以曠兼無際。方以正法自持。廣則稱體而周。佛謂覺斯玄妙。華喻功德萬行。嚴謂飾法成人。經乃注無竭之涌泉。貫玄凝之妙義。攝無邊之海會。作終古之常規。佛及諸王。並稱世主。法門依正。俱曰妙嚴。分義類以彰品名。冠群篇而稱第一。斯經有三十九品。此品建初。故云大方廣佛華嚴經。

世主妙嚴品第一

歸命十方極三際 塵刹圓明調御師 法界功德大悲雲 毗盧遮那大智海 所住甚深眞法性
所流圓滿修多羅 一一塵方佛會中 普賢文殊諸大士 我今欲以一毛智 測量無邊法界空
願承三寶同體慈 句句冥符諸佛意 俾令法眼常無缺 盡衆生界如普賢 迴茲勝善洽群生
速證菩提常樂果

將釋經義。總啟十門。一教起因緣。二藏教所攝。三義理分齊。四教所被機。五教體淺深。六宗趣通局。七部類品會。八傳譯感通。九總釋經題。十別解文義。

初因緣者。夫聖人設教。必有由致。若須彌巨海。大因方爲傾搖。今搖如來融金之德山。動深廣之智海。非小緣矣。故下經云。非以一緣。非以一事。如來出現而得成就。出現本爲大華嚴故。先因後緣。各開十義。以顯無盡。因十義者。一法應爾。故二酬宿因。故三順機感。故四爲教本。故五顯果德。故六彰地位。故七說勝行。故八示眞法。故九開因性。故十利今

後故言法爾者。夫王道坦坦千古同規。一乘玄門諸佛齊證。故一切佛法爾。皆於無盡世界常轉。如是無盡法輪。令諸衆生反本還源。窮未來際。無有休息。故不思議品中。明一切諸佛能於一身化現。不可說不可說。佛刹微塵數。頭一頭。化爾所舌。一一舌出爾所音聲。乃至文字句義。一一充滿一切法界。無有窮盡。斯則處以毛端橫該法界。時以刹那豎窮劫海。處則頓起。時則常起。不待別因。但隨見聞。說有初成九會之別。諸慈悲者。於無盡中畧此流傳。令尋於此見無邊法。如觀罅隙。見無際空。而此時處。卽同無盡。以一處。卽一切。處一時。卽一切。時故。二酬宿因者。何以法爾如是。轉耶。宿因深故。夫根深則果茂。源遠則流長。宿因歸深。斯起亦大。深大云何。我佛世尊。創躡玄蹤。棲神妙寂。悲智雙運。行願齊周。是以妄想弗翦。而廓徹性空。靈鑑匪磨。而頓朗萬法。乃以無障礙解脫。闡斯妙門。宿因雖多。略有二種。一者大願力。故現相品云。毗盧遮那佛。願力周法界。一切國土中。恒轉無上輪。兜率偈云。如來不出世。亦無有涅槃。以本大願力。示現自在。法諸會佛。加皆言願力。及餘諸文。成證非一。二者昔行力。故謂無量劫。依願起行。行成得果。方能頓演。故主山神偈云。往修勝行。無有邊今。獲神通亦無量。法門廣闢如塵數。悉使衆生深悟喜。三順機感者。謂昔因法爾。雖能常徧。約可流傳。皆由機感。離機說法。無所用故。其猶上有白月下資澄潭。潭清影現。機感應生。故兜率偈云。見佛亦復然。必假衆善業。十方諸佛告功德林言。及諸菩薩衆。善根力故。解脫月云。此衆無諸垢志。解悉明潔等。皆是機感。廣顯機感。如第四教所被機中。然此機感。通於現未。諸會當機。卽是現在。今之聞者。是未來機。四爲教本者。謂非海無以潛流。非本無以垂末。將欲逐機漸施。未教先示。本法頓演。此經然亦有二。一爲開漸之本。出現品云。如日初出。先照高山。故二爲攝末之本。如日沒時。還照高山。故無不從此法界流。無不還歸此法界。故法華亦云。始見我身。聞我所說。卽皆信受。入如來慧。此漸本也。次云。除先修習學小乘者。卽開漸也。又云。我今亦令得聞。是經入於佛慧。卽攝末歸本也。斯則法華亦指此經。以爲本矣。五顯果德者。謂此本法中。顯佛勝德。令諸菩薩信向證故。不識寶玉。不得其用。不知此德。安能仰求。然果德有二。一依果。謂華藏世界海等。二正果。如來十身等。此二無礙。以爲佛德。然依正無礙。通有六句。一依內現。依如塵中刹海。二正內現。正如毛孔現佛。三正內現。依四依內現。正五依內現。依正六正內現。正依其文。非一。又有四句。一或唯依佛。卽刹故。二或唯正刹。卽佛故。三俱四泯。思之可知。隨舉一門。則攝一切。並如下說。六彰地位者。

爲顯菩薩修行佛因一道至果有階差故。夫聖人之大寶曰位。若無此位行無成故。此亦二種。一行布門立位差別故。二圓融門一位即攝一切位故。一位滿即至佛故。初地云一地之中具攝一切諸地功德。信該果海初發心時便成正覺等。然此二無礙以行布是教相施設。圓融是理性德用相。是即性之相。故行布不礙圓融。性是即相之性。故圓融不礙行布。圓融不礙行布。故一爲無量行布。不礙圓融。故無量爲一。無量爲一。故融通隱隱一爲無量。故涉入重重。故世親以六相圓融上下之文。非一七說勝行者。欲登妙位。非行不階。故君子不患無位。患已不立行。亦二種。一頓成諸行。一行一切行。故十住品云。一即是多多。卽一等。普賢行品說。一斷一切斷等。故二徧成諸行。此卽行布。謂自大菩提心體相功德。乃至等覺中行。此二無礙。例如位說。八示眞法者。欲成行位。須解法理。不體理事。行亦非眞。故兜率偈云。不了眞實法。諸佛故興世。此亦二種。一顯事理無礙法。二顯事事無礙法。並如義分齊說。九開因性者。謂上因果理事。皆由衆生性有。若性非金玉。雖琢不成寶器。良以衆生包性德而爲體。依智海以爲源。但相變體殊情生智隔。今令知心合體達本情亡。故談斯經以爲顯示。亦有二種。一以言顯示。令其知有。二使其修行。悟入顯現。如下破塵出經卷等。亦如法華云。唯以一大事因緣故。出現於世。所謂開示悟入佛之知見。衆生等有故言。唯一十利。今後者。既等有其分。故廣利無邊。此亦二種。一利。今卽佛在當機。二利。後卽今之見聞發心品云。我等諸佛護持此法。令未來世一切菩薩未曾聞者。皆悉得聞。此益復二。一令得見聞爲堅種。故出現品云。如人食少金剛。終竟不消等。二令起行成證入。故出現。又云。設有菩薩無量百千億那由他劫。行六波羅蜜。修習種種善提分法。若未聞此。如來不思議大威德法門。或時聞已。不信不解。不順不入。不得名爲眞實菩薩。以不能生如來家故。若聞此法。信解隨順。悟入當知。此人生如來家。乃至深入如來無量境界。良以有作之修。多劫終成敗壞。無心體極一念便契佛家。賢首品云。十利摩數。如來所悉皆承事盡一劫。若於此品能誦持。其福最勝過於彼等。又此利益別對前九成十種益。謂一聞法爾則知常徧成見聞。益二聞本行願學佛發興成發心。益三聞機感知法由善起。成造修益。四聞爲本。知其義圓。成頓得益。五聞果德。則信樂願齊成滅障。益六聞位期。心證入。成攝位益。七聞行發意。修行成起行益。八聞法決須解了。成稱性益。九聞因知一切皆同。成轉利益。十總具前九成速證益。故前九因皆爲今益。亦可前一門皆成十益。可以意得。因上十義。故此教興發。

心品中有十所因。彼云。以佛神力故。世尊本願力故等。因緣相參對會。因緣可以意得。二明說經緣者。一切經首說時。方人等皆是緣起。今有十緣。一依時。二依處。三依主。四依三昧。五依現相。六依說者。七依聽者。八依德本。九依請者。十依加者。今初依時。夫心冥至道。則混一。今古法界無生。本亡時分。下經偈云。諸佛得菩提。實不計於日。況無涯之說。念劫圓融哉。今以無時之時。畧顯十重時別。初唯一念。二盡七日。三徧三際。四攝同類劫。五收異類劫。六以念攝劫。七劫念重收。八異類界時。九彼此相入。十以本收末。謂以非劫爲劫。故於前十時恒演此經。又此十種隨一圓收。依此說時。則無終始。亦隨見聞說初成等。如前法爾中辯。若依此時。則迥異餘教。而餘教時不出於此。或說三七六七等。隨見聞故。廣如旨歸第二依處者。夫智窮真際。能所兩亡。假說依真。而非國土。況剎塵即入染淨參融圓滿教之普周。難以分其處別。然真非事。外不壞所依。以上無時之時。徧非處之處。然有言。此經在穢土說。居摩竭等。故有云。處淨土說。在華藏故。有云。如實義者。二種身土。無定異處。卽於一處見聞。異故。上之三義。後一近宗。然說此經處。淨穢無礙。通局交徹。各二四句。初淨穢中。謂或唯染或唯淨。如前二義。或俱華藏內娑婆故。或混染淨相。盡同一法界故。又或唯染摩竭等。覆淨相故。或唯淨其地金剛染相。盡故。或俱隱顯無礙故。或俱非各相形奪。二相盡故。次明通局交徹。二四句者。謂或局此一界故。或通該十方故。或俱卽此卽徧故。或混二相盡故。又或局此界攝一切故。或通此入一切故。或俱卽攝卽入故。或混形奪相盡故。又以一塵例剎。亦有四句可知。若從陋至寬。畧顯十處。初此閻浮七處。九會而周法界。如升須彌品。二周百億同類一界。亦徧法界。如光明覺品。三徧異類樹形等剎。四徧剎種。五徧華藏。六徧餘剎海。若種若剎。七徧前六類剎塵。皆有同異類剎。八盡虛空界。容一一毛端之處。各有無邊剎海。九猶帝網。十餘佛同然。上十類一一各徧法界。而前九正是遮那說法之處。然說十住等處。雖復各徧法界。乃至塵毛爲門不同。亦無雜亂。若約十住與十行等。全位相攝。則彼此互無。各徧法界。若約諸位相資。則此彼互有。同徧法界。一一品會準此知之。十餘佛同者。此佛既爾。餘佛亦然。故諸會結通皆云。我等諸佛亦如是。說然主主不相見。伴伴不相見。主伴伴主則互相見。若互不相見。卽各徧法界。互相見。故同徧法界。亦無雜亂。亦無障礙。又上十處共爲緣起。舉一全收。以一一處稱法性故。而隨前一一時皆徧此諸處。又隨一一處皆具前時。頓說此經。此猶約器世間說。若約智正覺及衆生世間。卽一一佛身支節毛孔。

皆攝無盡重重之刹。普賢衆生一一皆爾。並是遮那說經之處。第三依主者。夫眞身寥廓。與法界合其體。包羅無外。與萬化齊其用。窮源莫二。執跡多端。一身多身。經論異說。今說此經。佛爲眞爲應。爲一爲多。若言眞者。何名釋迦。居娑婆界。人天同見。若云應者。那言遮那。處蓮華藏。大菩薩見。見佛法身。若云一者。何以多處別現。若云異者。何以復言而不分身。故說此經。佛並非前說。即是法界無盡身雲。眞應相融。一多無礙。卽盧遮那是釋迦。故常在此處。卽他處。故遠在他方。恒住此故。身不分異。亦非一故。同時異處。一身圓滿。皆全現故。一切菩薩不能思。故今先明十身後。彰無礙言。十身者。自有二義。一約融三世間爲十者。一衆生身。二國土身。三業報身。四聲聞身。五緣覺身。六菩薩身。七如來身。八智身。九法身。十虛空身。二就佛上自有十身。一菩提身。二願身。三化身。四力持身。五相好莊嚴身。六威勢身。七意生身。八福德身。九法身。十智身。廣顯其相。如第八地。及離世間品。辯言無礙者。畧有十義。一用周無礙。謂於上念劫剎塵等處。遮那佛現法界身雲。業用無邊。悉周徧。故經云。如於此處。見佛坐一切塵中。亦如是等。其文非一二相徧無礙。謂於上差別用中。各攝一切業用。故三寂用無礙。無私成故。四依起無礙。無心頓現。海印力故。五眞應無礙。應卽同法一味平等。故六分圓無礙。一身分卽具全身。故七因果無礙。不礙現因。故八依正無礙。不礙現依。故九潛入無礙。入衆生界。如如來藏。雖作衆生。不失自性。故出現品云。佛智潛入衆生心。又云。衆生心中有佛。成正覺等。又亦攝一切衆生在一毛孔。善化天王云。汝應觀佛一毛孔。一切衆生悉在中。等十圓通無礙。謂此佛身卽理卽事。卽一卽多。卽依卽正。卽人卽法。卽此卽彼。卽情卽非情。卽深卽廣。卽因卽果。卽三身卽十身。同一無礙。法界身雲。以此身雲徧前時處。常說華嚴是知。或說報身在色究竟。約攝報說。或說報身在餘淨土。約引攝說。或說舍那坐千葉華。攝二地說。或說登地方見。約勝機說。或分三異從體。相用說。俱非此經眞實之義。設分三十不同。亦權實對說。若不融前義。亦失經宗。第四依三昧者。夫動靜唯物。聖豈然乎。示軌後徒。明將有說。必須靜鑑。前理受諸佛。加從定起而發言。言必眞。當言必眞。當故受者之心。自然篤矣。故於諸會多明入定爲說。經緣有不入者。至文當說其所入定。皆盡法源。業用難思。第五依現相者。謂法性寂寥。雖無諸相。無相之相。不礙繁興起。教多端相非一準。或放光動刹。或華雨香雲。皆爲發起。故諸會之內。將欲說法。多先放光。通表智光。以被物。故然有二種。一不壞次第。光隨位增微。故二圓通無礙。光隨一一光皆結通。故隨

處放異總有十光各有所表。至文當知其動地等多在說後。則是慶聞。如十地中。雖是慶前義兼起後。則是教緣。第六依說人者。法無廢興弘之由。人下文云。佛法無人說。雖慧莫能了。今此能說通三世。間開即爲五。謂佛菩薩聲聞衆生及器。更開爲十。謂加三世微塵毛孔器。及有情各有分圓。故毛孔微塵即是分說。此上諸說通三世。故故普賢行品云。佛說衆生說。及以國土說。三世如是說等。廣則無量。法界品中類非一故。如僧祇隨好。即是佛說。餘會多菩薩說法界品初有聲聞說。諸善友等多菩薩說。亦名衆生說。菩提樹等。即器界說。至文當知其能說人用法不同。或用音聲。或用妙色等。如教體中辯第七依聽人者。子期云。喪百牙輟絃。若無聽者。終無有說。即下諸衆略有十類。至文當明。除當機衆餘皆是緣。第八依德本者。川有珠而不枯。山有玉而增潤。內無德本。外豈能談。然唯約說者。前人此法。故略有二類。一者智慧最爲首。故十方諸佛告金剛幢言。及由汝智慧清淨。故告金剛藏言。亦是汝勝智力。故二者餘行願力。十方諸佛告普賢言。亦以汝修一切諸行願力。故十方諸佛告法慧言。及汝所修諸善根力。令汝入是三昧而演說法。若惑者善根。若化主行願皆屬說。因第九依請人者。若約慈悲深厚。亦有無問自談。若約敬法重人。要須誠請。後說。初心識昧未解。諮求上智。慈悲騰疑。啟請。然有二類。一者言請。二者念請。諸會有無現相品當辯。第十依能加者。夫聖無常。應應于克誠心。冥至極。故得佛加。然若佛自說。則不俟加。如第九會。因人有說。要假上加。其第八會。行依法修。不異前。故略無有加。二七不入定。故無有加。餘皆具有。所以加者。欲顯諸佛同加。即同說。故一說一切說。故亦顯果海無言。因相可說。故若爾僧祇隨好。應非一切表微細難知。故超出因果。故然施設不同。不應一準。加有二種。一者顯加。具於三業。二者冥加。但與智令說。普光法界無顯有冥。餘皆具二。顯必有冥。故餘至下明。教起因緣。竟第二藏教所攝中。二先藏攝後教攝。前中亦二。先藏後攝。今初藏謂三藏。二藏通稱藏者。以含攝故。世親攝論第一莊嚴論第四。皆云。彼三及二云。何名藏。答云。由攝故。謂攝一切所應知義。攝即包含。言三藏者。一修多羅藏。二毗奈耶藏。三阿毗達磨藏。初中先辯名後顯相。今初亦名修妬路。亦名素怛纒。此皆梵音。楚夏古譯爲契。經智論之中名爲經藏。契謂契理。契機經謂貫穿攝化。即契理合機之經。依主受名。契經即藏持業釋也。復云。正翻名線。線能貫華。經能持緯。此方不貴線稱。故存於經。有云。案五印度呼線席經。并索聖教。皆曰修多羅。則經正是敵對。斥於古德經非敵對。今更詳之。若一名四實。皆爲

敵對。則古如所破。若兼順義經。自屬於席經。敵對應名聖教。故梁攝論譯爲聖教。彼論云。有阿毗達磨。非是聖教。爲成聖教。故加修多羅名。古德見此。儒墨皆稱爲經。遂借彼席經。以目聖教。則雙含二義。俱順兩方。借義助名。更加契字。揀異。席經。甚爲允當。二顯相者。西域四名所目。雖殊意義相似。故同稱修多羅。而聖教多含具上三義。故雜心云。經有五義。一曰涌泉。二曰出生。三曰顯示。四曰繩墨。五曰結鬘。涌泉則注而無竭。出生則展轉滋多。義同并索。有汲引。故顯示正是聖教。顯事理。故繩墨則指定正邪。亦是繩之爲經。能持於緯。同席經義。結鬘同線。線能貫華。結成鬘。故總上五義。不出貫攝。故佛地論第一云。能貫能攝。故名爲經。以佛聖教貫穿攝持。所應說義。所化生。故此或貫攝通所說。所化或貫穿法相攝持。所化。又世親攝論釋貫穿云。謂能貫穿。依故相。故法。故義。故依者。謂於是處。由此爲此。而有所說。相者。謂世俗諦相勝義諦相。法者。謂蘊界處。緣起諦食靜慮無量無色解脫勝處。徧處。菩提分。無礙解。無諍等。義者。隨順密意說等。瑜伽二十五顯揚二十大同此說。餘義至十二分中。當明第二毗奈耶藏。初名後相前中亦名毗尼。梵言之畧耳。此翻爲調伏。謂調練三業。制伏過非。調練通於止作。制伏唯明止惡。就所詮之行。彰名。即調伏之藏。或能詮藏。有調伏之能。卽有財釋。契經藏中。類有此釋。毗尼或翻爲滅。滅有三義。一滅業。非二滅煩惱。三得滅果。或名尸羅。具云翅。但羅。此云清涼離熱惱。因得清涼果。故亦名波羅提木叉。此云別解脫。此就因得名。然有二義。一揀異。定道名之爲別。二三業七支。各各防非。故名爲別。亦翻爲隨順解脫。此據果立。隨順有爲無爲二種解脫果。故亦名性善。如十誦律亦名守信。如昔所受。實能持。故後顯相者。前名之中。已含止作。即毗尼相。若別說者。世親攝論云。毗奈耶有四義。謂犯罪。故等起。故還淨。故出離。故廣如彼論第三阿毗達磨藏。阿毗名對達磨云。法有二種。一勝義法。謂即涅槃。是善是常。故名爲勝。二法相法。通四聖諦。相者。性也。狀也。二俱名相法。既有二對。亦二義。一者對向。謂向前涅槃。二者對觀。觀前四諦。其能對者。皆無漏淨慧。及相應心所等。由對果對境。分二對名。故慧但是對而非是法。非所對。故言對法者。法之對。故對法藏特名慧論。舊譯爲無比法。以詮慧勝。故世親攝論云。阿毗達磨有四義。謂對故。數故。伏故。通故。對義同前。數者。於一一法。數數宣說。訓釋言辭。自共相等。無量差別。故伏者。由此具足。論處所等。能勝伏地論。故通者。此能通釋。素怛纁義。故亦名優婆提舍。此云論義。亦名磨怛理迦。此云本母。謂以教與義爲本。爲母。亦云依藏。生解藏。爲解母。本